

**ZAPISNIK**  
**O RADU PRVE HITNE SJEDNICE SKUPŠTINE KANTONA SARAJEVO ODRŽANE**  
**09.06.2023.GODINE SA POČETKOM RADA U 10,00 SATI**

Prvu hitnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 28 zastupnica i zastupnika, dok su se ostali priključili tokom sjednice, kako slijedi:

**SDA - STRANKA DEMOKRATSKE AKCIJE**

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

**POLITIČKA ORGANIZACIJA "NAROD I PRAVDA"**

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pobrić Rusmir
7. Vreto Elvis

**SOCIJALDEMOKRATSKA PARTIJA BOSNE I HERCEGOVINE**

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

**POLITIČKA ORGANIZACIJA GRAĐANA "NAŠA STRANKA"**

1. Bešlija Vildana
2. Handžić Vibor
3. Klarić Sanela
4. Lemezanić Redžo
5. Melank Miodirka

**STRANKA ZA BOSNU I HERCEGOVINU**

1. Bandić Muamer

2. Gavrankapetanović-Smailbegović Fatima
3. Hodžić Admela
4. Šaljić Jasmin

#### **DEMOKRATSKA FRONTA**

1. Hašimbegović Marijela
2. Pilav Ilijaz
3. Vujović Vedrana

#### **POLITIČKA ORGANIZACIJA/INICIJATIVA “ZA NOVE GENERACIJE”**

1. Marjanović Damir

Izostanak sa ove sjednice opravdali su zastupnik Irfan Čengić, zastupnica Elza Gaković i zastupnik Albin Zuhrić. Kašnjenje je najavila zastupnica Mersiha Mehmedagić.

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio prisutne da je na Osmoj radnoj sjednici održanoj dana 30.05.2023. godine, Skupština donijela Zaključak kojim se zadužuje Kolegij Skupštine, da u što kraćem roku zakaže hitnu sjednicu Skupštine Kantona Sarajevo, na temu sigurnosti u saobraćaju. Shodno navedenom, a u skladu sa članom 71. Poslovnika Skupštine Kantona Sarajevo, Kolegij je utvrdio termin održavanja Prve hitne sjednice za dan 09.06.2023.godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu predlagao se na samoj sjednici.

Skupštini Kantona Sarajevo dostavljen je materijal koji je pripremila Vlada Kantona Sarajevo za današnju Hitnu sjednicu, i to:

1. Informacija o sigurnosti u saobraćaju u Kantonu Sarajevo,
2. Prijedlog odluke o oslobađanju/povratu školarine studentima Univerziteta u Sarajevu upisanim u studijsku 2022/2023.godinu.

Obzirom da nije bilo dodatnih prijedloga za dopunu dnevnog reda, predsjedavajući je na osnovu dostavljenih materijala predložio dnevni red, te pozvao zastupnike da se izjasne o istom.

*Na osnovu rezultata glasanja, predsjedavajući je konstatovao da je Dnevni red za Prvu hitnu sjednicu Skupštine Kantona Sarajevo usvojen jednoglasno s 28 glasova „za“ i bez glasova „protiv“ i „suzdržan“, i isti glasi:*

1. Informacija o sigurnosti u saobraćaju u Kantonu Sarajevo,
2. Prijedlog odluke o oslobađanju/povratu školarine studentima Univerziteta u Sarajevu upisanim u studijsku 2022/2023.godinu.

## **TOK SJEDNICE**

Realizacija prve tačke dnevnog reda.

### **AD – 1.**

## **INFORMACIJA O SIGURNOSTI U SAOBRAĆAJU KANTONU SARAJEVO, BROJ:02/01-23-26605/23 OD 08.06.2023.GODINE**

Predsjedavajući je otvorio tačku i dao riječ uvodničarima.

Prvo se obratio premijer Nihad Uk, zatim ministar unutrašnjih poslova Admir Katica, Semir Šut, predstavnik Radne grupe za izradu smjernica za poboljšanje stanja sigurnosti saobraćaja u Kantonu Sarajevo i koordinator za provedbu istih, Džafer Hrvat, načelnik uniformisane policije MUP-a KS, Adnan Šteta, ministar saobraćaja, Naida Hota-Muminović, ministrica za odgoj i obrazovanje.

U ime Komisije za sigurnost Skupštine Kantona Sarajevo zaključke je iznio predsjedavajući Komisije, Elvedin Okerić.

Predsjedavanje sjednicom nakratko je preuzela dopredsjedavajuća Danijela Kristić.

Pitanja su postavili zastupnici: Adi Kalem, Redžo Lemezan, Haris Zahiragić, Marijela Hašimbegović, Vedrana Vujović, Faruk Kapidžić, Arijana Memić, Faruk Selmanović, Mahir Dević, Damir Marjanović, Vibor Handžić, Smiljana Viteškić, Jasmin Šaljić, Elvis Vreto, Admela Hodžić, Davor Čičić, Ilijaz Pilav, Muamer Bandić.

Odgovore na postavljena pitanja su dali: ministrica za odgoj i obrazovanje Naida Hota-Muminović, premijer Nihad Uk, ministar unutrašnjih poslova Admir Katica, načelnik Sektora uniformisane policije Džafer Hrvat, ministar saobraćaja Adnan Šteta, predstavnik Radne grupe Semir Šut.

U međuvremenu, predsjedavanje sjednicom je preuzeo predsjedavajući Skupštine, Elvedin Okerić.

Nakon odgovora, predsjedavajući je zamolio zastupnice i zastupnike da se izjasne o pauzi za ručak, koja je podržana s 22 glasa „za“ i 1 glasom „suzdržan“, bez glasova „protiv“.

U nastavku nakon pauze, dodatni odgovor na postavljena pitanja dao je načelnik Sektora uniformisane policije Džafer Hrvat, kome su pitanja postavili zastupnici Jasmin Šaljić i Marijela Hašimbegović.

U otvorenoj diskusiji učestvovali su zastupnici: Mahir Dević, Belma Kapo, Jasmin Šaljić, Fatima Gavrankapetanović-Smailbegović, Arijana Memić.

Predsjedavanje sjednicom nakratko je preuzeo dopredsjedavajući Vibor Handžić.

Nadalje su diskutovali zastupnici: Faruk Selmanović, Marijela Hašimbegović, Vedrana Vujović, Admela Hodžić, Haris Zahiragić, Redžo Lemezani, Faruk Kapidžić, Miomirka Melank.

Predsjedavanje sjednicom nakratko je preuzela zastupnica Jelena Pekić.

Potom su diskutovali zastupnici: Mersiha Mehmedagić, Adi Kalem.

Predsjedavanje sjednicom nakratko je preuzeo dopredsjedavajući Vibor Handžić.

Zatim su u diskusiji učestvovali zastupnici: Muamer Bandić, Haris Zahiragić, Smiljana Viteškić, Damir Marjanović, Rusmir Pobrić. U drugoj diskusiji učestvovali su Marijela Hašimbegović, Jasmin Šaljić, Haris Zahiragić, Vedrana Vujović, Faruk Kapidžić, Faruk Selmanović, Muamer Bandić i Haris Zahiragić.

Nakon iscrpljene diskusije, dopredsjedavajući Vibor Handžić je dao pauzu u trajanju od 15 minuta, te pozvao predstavnike Klubova zastupnika u kancelariju predsjedavajućeg Skupštine kako bi usaglasili zaključke.

#### NASTAVAK NAKON PAUZE

U nastavku sjednice, predsjedavajući Elvedin Okerić je pročitao zaključke koji su proizašli iz sveobuhvatne diskusije, kako slijedi:

1. Zadužuju se Ministarstvo unutrašnjih poslova Kantona Sarajevo i Uprava policije Ministarstva unutrašnjih poslova Kantona Sarajevo za vršenje pojačanih preventivnih i represivnih mjera koje se ogledaju u sljedećem:
  - Povećan broj policijskih službenika na terenu kroz angažman novoprimitljenih 195 policijskih službenika,
  - Povećan broj radara,
  - Pojačan rad jedinice interventne policije i jedinice za bezbjednost saobraćaja na terenu, - Pojačan rad vozilima „presretačima“,
  - Povećan broj patrola u periodu od 19 sati do 07 sati na najfrekventnijim raskrsnicama u gradu,
  - Nastavak primjene smjernica za poboljšanje sigurnosti u saobraćaju u Kantonu Sarajevo i implementaciji Akcionog plana za prevenciju krađe putničkih motornih vozila koji podrazumijeva i postavljanje video nadzora, te prevencija nastanka povreda u saobraćaju,
  - Raspisivanje novog konkursa za prijem 250 policijskih službenika.
2. Zadužuje se Ministarstvo saobraćaja Kantona Sarajevo da Vladi Kantona Sarajevo dostavi prijedlog Zakona o izmjenama i dopunama Zakona o uređenju saobraćaja na području Kantona Sarajevo (“Službene novine Kantona Sarajevo”, br. 30/17, 46/17 i 1/22), u skladu sa Zakonom o osnovama sigurnosti saobraćaja na putevima u BiH i EU regulativom.

3. Zadužuje se Vlada Kantona Sarajevo da inicira hitne sastanke sa nadležnim organima na nivou Bosne i Hercegovine i Federacije BiH na temu sigurnosti u saobraćaju i izmjena postojeće zakonske regulative.
4. Zadužuje se Vlada Kantona Sarajevo da, nakon okončanja zakonom predviđenih procedura, uspostavi sistem Adaptivnog upravljanja saobraćajem, koji podrazumijeva uspostavu video nadzora na saobraćajnicama u Kantonu Sarajevo.
5. Zadužuje se Vlada Kantona Sarajevo da hitno krene u realizaciju mjera iz Studije o identifikaciji opasnih mjesta i dionica na primarnoj mreži saobraćajnica u Kantonu Sarajevo, kao i da formira komisiju koja će preispitati opću vidljivost na značajnim saobraćajnicama sa ciljem unapređenja i poboljšanja sigurnosti učesnika u saobraćaju.
6. Zadužuje se Vlada Kantona Sarajevo za donošenje Programa prevencije i suzbijanja zloupotrebe narkotika, sa posebnim fokusom na kontrolu učesnika u saobraćaju, te u okviru toga, što hitnija nabavka testova na prisustvo narkotika u krvi vozača.
7. Skupština Kantona Sarajevo poziva zakonodavnu i izvršnu vlast na nivou Bosne i Hercegovine i Federacije BiH da, u što kraćem roku, pokrenu aktivnosti izmjena i dopuna sljedećih zakonskih propisa: Zakona o osnovama sigurnosti saobraćaja na putevima u BiH, Zakona o prekršajima Federacije BiH, Krivičnog zakona Federacije BiH i poreznih propisa koji će omogućiti primjenu instituta prinudne naplate neplaćenih novčanih kazni i drugih relevantnih zakona i podzakonskih akata, a u smislu uvođenja rada za opće dobro na slobodi, kao instituta kažnjavanja i ponovne javne edukacije povratnika u kršenju zakonskih odredbi, u cilju unapređenja sigurnosti učesnika u saobraćaju i adekvatnog sankcionisanja.
8. Skupština Kantona Sarajevo traži od Vlade Federacije da pripremi i u Parlamentarnu proceduru uputi hitne izmjene i dopune Krivičnog zakona Federacije BiH na način da inkriminiše vožnju motornog vozila pod dejstvom alkohola i drugih opojnih supstanci, kao i vožnju motornog vozila bez položenog vozačkog ispita.
9. Zadužuju se Vlada Kantona Sarajevo i Ministarstvo saobraćaja Kantona Sarajevo da odmah i bez odlaganja na adekvatan način, svjetlosnom signalizacijom, naglase sve pješačke prelaze na svim važnijim saobraćajnicama u Kantonu Sarajevo, a u skladu sa pozitivnim propisima.
10. Zadužuju se Vlada Kantona Sarajevo i Ministarstvo unutrašnjih poslova Kantona Sarajevo da iniciraju izmjene i dopune zakonskih i podzakonskih propisa koji će omogućiti efikasnije trajno oduzimanje motornih vozila za povratnike u činjenju težih saobraćajnih prekršaja.
11. Zadužuju se Vlada Kantona Sarajevo i Ministarstvo za odgoj i obrazovanje Kantona Sarajevo da pripreme Program subvencioniranja polaganja vozačkih ispita za mlade iz osjetljivih kategorija.
12. Zadužuju se Vlada Kantona Sarajevo i Ministarstvo saobraćaja Kantona Sarajevo da formiraju Vijeće za sigurnost saobraćaja na cestama u Kantonu Sarajevo, kako je definisano Zakonom o uređenju saobraćaja na području Kantona Sarajevo, te da Vlada Kantona Sarajevo u budžetu osigura znatna sredstva za rad ovog Vijeća i to za aktivnosti i projekte koje će realizovati.
13. Zadužuju se Vlada Kantona Sarajevo, Ministarstvo saobraćaja Kantona Sarajevo i Ministarstvo za odgoj i obrazovanje Kantona Sarajevo da odmah i bez odlaganja izrade

- neophodne elaborate vertikalne i horizontalne signalizacije u blizini škola, sa akcentom na usporavanje saobraćaja i zaštite djece - pješaka, kako je i predviđeno Zakonom o osnovama sigurnosti saobraćaja na putevima u BiH, te da što prije krenu u realizaciju istih.
14. Zadužuju se Vlada Kantona Sarajevo i Ministarstvo saobraćaja Kantona Sarajevo da odmah i bez odlaganja krenu sa izradom Strategije sigurnosti cestovnog saobraćaja u Kantonu Sarajevo.
  15. Zadužuje se Vlada Kantona Sarajevo da prilikom priprema ovih propisa koji mogu imati uticaja na osobe s invaliditetom, iste uključi u pripremu tih propisa.
  15. Zadužuje se Vlada Kantona Sarajevo da kontinuirano obavještava Skupštinu Kantona Sarajevo o realizaciji navedenih zaključaka.
  16. Ovi zaključci stupaju na snagu danom donošenja.

*Na osnovu rezultata glasanja, predsjedavajući je konstatovao da su zaključci dobili potrebnu većinu s 28 glasova „za“, bez glasova „protiv“ i „suzdržan“.*

*Također je konstatovao da je Informacija primljena k znanju.*

Realizacija tačke dva.

#### **AD-2.**

### **PRIJEDLOG ODLUKE O OSLOBADANJU/POVRATU ŠKOLARINE STUDENTIMA UNIVERZITETA U SARAJEVU UPISANIM U STUDIJSKU 2022/2023.GODINU**

Uvodno izlaganje je podnio ministar za nauku, visoko obrazovanje i mlade, Pavle Krstić.

Nakon uvodnog izlaganja, predsjedavajući je obavijestio zastupnike da je Skupština zaprimila zahtjev Udruženja Studentski parlament Univerziteta u Sarajevu (u daljnjem tekstu SPUS) za omogućavanje obraćanja Skupštini na Prvoj hitnoj sjednici, o čemu se trebaju izjasniti zastupnici.

*Na osnovu rezultata glasanja, predsjedavajući je konstatovao da je zahtjev dobio jednoglasnu većinu s 27 glasova „za“ i bez glasova „protiv“ i „suzdržan“, te je odobreno obraćanje predstavnika SPUS-a.*

Zastupnicima se potom obratio predsjednik SPUS-a Faruk Dević.

Pitanja za predlagača materijala su imali zastupnici: Haris Zahiragić, Muamer Bandić, Vedrana Vujović, Damir Marjanović, Marijela Hašimbegović, Kristina Petrović i Jasmin Šaljić.

Predsjedavanje Skupštinom nakratko je preuzela dopredsjedavajuća Danijela Kristić, koja je nakon postavljenih pitanja dala riječ premijeru Nihadu Uku i ministru za nauku, visoko obrazovanje i mlade, Pavlu Krstiću da ponude odgovore.

U diskusiji su učestvovali zastupnici: Sebija Izetbegović, Damir Marjanović, Haris Zahiragić i Vedrana Vujović,

U replikama su učestvovali zastupnici: Belma Kapo i Sebija Izetbegović.

Ispravku krivog navoda je imao zastupnik Muamer Bandić.

Zastupnik Haris Zahiragić je imao poslovničku intervenciju.

Zatim se nastavilo s diskusijama u kojoj je učestvovala Vedrana Vujović.

U replikama su učestvovali zastupnici: Elvedin Okerić i Haris Zahiragić.

Predsjedavajući je potom dao petominutnu pauzu.

#### NASTAVAK NAKON PAUZE

U nastavku nakon pauze zastupnica Sebija Izetbegović je tražila poslovničku intervenciju.

Predsjedavajući je potom dao riječ premijeru Nihadu Uku koji je povukao tačku s dnevnog reda, ali je zamolio da se zastupnici izjasne o predloženim Zaključcima koji su dostavljeni zastupnicima u cilju prevazilaženja nastale situacije na pojedinim fakultetima.

Potom je predsjedavajući pozvao zastupnice i zastupnike da se izjasne o sljedećim zaključcima:

1. Skupština Kantona Sarajevo zadužuje Vladu Kantona Sarajevo da svim samofinansirajućim studentima koji su položili sve ispite u prethodnoj akademskoj godini 2021/2022. godina sa prosjekom 8,0 i većim izvrši plaćanje školarine u 2022/2023 godini.
2. U slučaju da su studenti ove kategorije već izvršili uplatu sredstava, obavezuje se Ministarstvo financija Kantona Sarajevo da im izvrši povrat uplaćenih sredstava.
3. Zadužuje se rektor i Senat Univerziteta u Sarajevu da u toku od sedam dana dostave Ministarstvu financija tačan spisak studenata koji ispunjavaju gore navedene uslove sa pripadajućim rješenjima o povratu sredstava.

*Na osnovu rezultata glasanja, predsjedavajući je konstatovao da su zaključci dobili jednoglasnu podršku s 27 glasova „za“, nije bilo glasova „protiv“ i „suzdržan“.*

Konstatujući da je iscrpljen dnevni red Prve hitne sjednice Skupštine Kantona Sarajevo, predsjedavajući je zaključio sjednicu i zahvalio se kolegicama i kolegama na radu.

\* \* \*

**Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.**

Broj: 01-04-25350/23  
09.06.2023.godine  
SARAJEVO

Zapisnik izradila:  
Lejla Kadrić

**SEKRETAR**  
**SKUPŠTINE KANTONA SARAJEVO**  
Aida Zeković

**PREDSJEDAVAJUĆI**  
**SKUPŠTINE KANTONA SARAJEVO**  
Elvedin Okerić